



尤菴集
二

五言律
七言律

16
2410
3

共七十



和
2410
60-3



尤菴先生文集卷三



詩 五言律

敬呈清陰金先生 丙戌

名振三分世身閑五柳邊文章追牧老事業接烏川
未說尊周事行刪帝魏編都民無手額天意定由然

畸翁挽 鄭公弘溟 庚寅

侃侃松江後畸翁尚典刑將多喬木蔭仍愛竹林英
孝雪窮天痛詞鳴擲地聲如今不可作南望涕雙熒

金松崖挽 癸巳

此世嗟無樂賢人不為留那堪石室淚復洒合江秋
廟栢吟長斷萊衣舞永休平生忠孝志零落在山丘

曹僉知 行立挽 癸卯

耆舊人誰在風流到底空今年公又逝末路我誰同
月嶽烟雲鎖溪門事契終蒼茫江漢路迢遞片旌紅

東鶴寺次尹吉甫韻 甲辰

雙袖明如雪飄然來此山小盃諧笑後清話水雲間
笑看盆波起還躋石路艱吾今牢閉戶長與老僧閑

松江遷葬有感而作 乙巳

是非自有當宅兆今始臧天上三光照人間萬事荒
淒涼辰巳歲驚恠虎惺章何以稱明德寒流薦一觴

病中率意再和上饒山 石湖所居 老兄兼東草廬美

村兩兄

海客常居海山翁不出山長風吹岸上孤月入簷間
只怕吾心窄休言世路艱歲窮東作近還喜野寬閑

其二 予仁以我入山為疑故以此求正

海翁棲息處雲谷復夷山嘯咏蒼崖下徘徊黃石間
見附龍 諒知從所好曾未濟時艱小子殆狂簡希蹤

意未閑

其三 子仁說已病痛仍責我不相救藥故未句以晦翁語奉告

道雖如大路行處似登山欲識賢愚分惟看敬怠間
此關終得透彼岸到何艱知病即為藥尋醫也是閑

其四 次子恕韻未正

憐君少小日抱病在深山身入湯劑裏功存簡冊間

天生才有用帝卽我投艱努力同修省浮名儘是閑

枕流亭漫吟 丙午

昔日煩囂地孤樓恨莫深茲來塵不到那見客相尋
礪送林禽話庭宜好木陰看書神思倦時復費幽吟

見誠伯 名基厚 從姪書書懷以寄

雨後鶯聲滑繁陰晚欲涼山供詩興碧煙染客衣蒼
叔世啾喧足衰年歲月忙相思徒有夢書至意何長

步李生 後望 次宋龜峰韻

人言巴谷勝閑日可清遊駕我時方好逢君處最幽
溪聲清似瑟松籟爽如秋出谷仍無事唯看飯午牛

魯峰書院

澗水潺湲去遺祠賸蠻聞木摧猶有葉巖老欲生雲
歎息羊蛇歲嗚呼武定勳煌煌新榜揭墻瓦莫苔紋

寄鄭東溟 斗卿

不見東溟子那堪久鬱陶酒錢無處乞紙價奈如高
大句天難抱玄詮鬼莫逃憑君賡老栢寄我動林臯

次李上舍 後望韻

林泉無外事長夏雨滂餘溪友阻來往山雲閑卷舒
未尋顏孔樂誰識惠莊魚莫悔思仁晚從今永獨居

朴僉知 桌挽

秘迹丘園久安身古素真鄉隣無咎譽夢寐斷簪紳
地下埋黃髮天衢暗老人平生念母恨更為渭陽新

丁未仲秋小盡示二孫

獨坐秋山裏寒溪日夜鳴殘書看未厭至理妙難明
危世愁千斛衰容白數莖何當攜爾去登嶽聽鸞笙
華陽洞雨後

峽裏苦多雨溪奔亂石間雷驚逃魍魎龍吼響巖巒
縱破龍門口難傾砥柱山俄然駭浪息依舊聽潺湲

次贈李可成

商翼

孤吟竹樹裏湖海已嚴冬誰料平生友來尋半死翁
急潮摧短麓寒渚蘸晴峰歲序陽將至相期復善中

次疇孫西山讀書韻

昔日讀書地市翁並樹根爾曹追往躅山氣欲流溫

正好尋賢軌無然侮聖言河南妙敬說最警此心昏

宋禮立挽

先人伯仲親已少眼前人叔也今何促吾其與孰因
曉烟荒草外寒雨暮江濱賸說幽明事唯悲不及新
李子久曾以詩見寄懶惰未能報今又再用前

韻以投聊步以謝

武陵居士在三徑碧苔封喜我東隣卜憐茲衆謗叢
好成春暮服同撫歲寒松志氣何曾老梳頭笑爾童

尹吉甫挽

巳酉

秋月轉車出清江去住分有心天汝玉不義我如雲
叔世憂難掇千人痛莫薰平生磋切地回首淚紛紛

內弟郭文者挽

君我真兄弟誰言姓不同零丁憐葛藟親愛自孩童
係是忠賢後還能孝義隆今成生死別衰暮痛何窮

哭靜觀齋

李公端相號

去歲城東夜商量大學時微言洙泗絕茲事古今疑
提耳咎名理來書每警癡牙絃從此斷幽抱更於誰

趙判書

啓遠挽庚戌

遂聞全義地歸葬趙尚書田舍彈文入簪紳晚節疎
蒼生安石臥綠野矮堂虛特地聲名在丹青重莫輿

朴新昌

續先挽

靈辰丹旆出荒野北風呼我尚春寒矣君胡夜壑乎

傳家謝寶樹題墓執金吾蕭挽書何忍空令淚眼枯

白弘望挽

落落休庵老淵源己卯年可憐承繼替猶復典刑傳
白首同飄泊黃泉有後先秋風數掬淚洒向乃山前

洪相國

重普挽辛亥

聖主嘗興運賢臣任濟屯一天讐共戴三蜀志難伸
士卒方精抄心機獨自神居然成殄瘁朝野共酸辛

朴判書

長遠挽

每誦林烏句令人涕自垂如何未盡哺造次便長辭
厚德輿人仰孤忠 聖主悲佇看良史筆記實庶無
虧

趙判書復陽挽

名父傳詩禮 清朝任渭涇 鹽梅方有契 貝錦詎能成
雅望如喬嶽 疲氓仰歲星 如今矜瘁痛 豈獨念交情

蘇監司東道挽

仰德非今日 追陪記昔年 溪山皆盡裏 風月屬尊前
德意鄉隣服 清名僕隸傳 傷心宰樹下 誰篆二宜賢

李庶尹敏厚挽

玉葉傳芳迥 緋魚佩綬長 曾為萊孝子 幾第漢循良
佇應朝家選 誰知夜壑忙 廣陵何處是 樛月色淒涼

李文義尚淵挽

纔歌今袴五 忽報號衣三 歲惡民無告 人亡怨不堪
歸旌江雨濕 脩壠海雲含 餘化褊城在 碑成萬口談

永安尉洪公柱元挽王子

慕老家風遠 沙翁宅相真 金閨期作彥 璇館忽為賓
禁地徒聯袂 清朝失領紳 遽聞仙路隔 野處亦沾巾

金麻田天錫挽癸丑

忍說驚牛事 天星此歲規 長秋復位日 偏邑荷恩時
倚伏人誰了 榮枯志不移 存亡追事契 孤露轉悽其

自西山向王灘道中吟示趙復亨尹體元諸君
出郭仍無事西來又向東溪樽成小別秋思轉無窮
落日千山紫歸程萬樹紅荒村棲息定陵栢自生
風

次贈李生

亡友靜觀之兒李生同甫來求墓銘忍死泚
筆以副其意而追憶平生不勝感涕將歸投
詩索和聊綴一語以贈之

靜觀臨世日人覩鳳朝陽伐木鷲求友埋山玉掩光
賢兒來自遠宿草恨空長贈別無餘說幾微戒聖狂

李咸悅

惟謙挽甲寅

孝友家庭學慈祥縣宰心平生許孤直世路任升沉
往事乘除盡新阡樹木深空餘後死淚沾灑滿衣襟
敬次重峰先生二止堂韻酬金使君正平萬均

新構臨清泚山頽問幾秋天衢箕尾遠人世歲星周
事業朱書裏淵源德水遊欲陳明酌薦蘋藻採芳洲

末句一本作平生勤
仰止今日立汀洲

次疇孫韻乙卯

連倫三五六茲樂識無人昨謝逢提歲今逢乙卯春
人情漸不古時事定應新恒月南山祝無由獻紫宸
戲效擊壤體和正平使君

莫歎尤翁謫其人甚不仁促令驪脚出忙使許眉伸

愁却中洞草傷渠竹岸春明時安可恕四罪萃於身
喜秀弟邵姪入來

擊壤人爭誦誰悲此負霜祖孫寒拊手兄弟夜聯床
塞上非天上他鄉即故鄉最憐吾姪李辛苦亦扶將

次善長

再從孫元錫字寄示韻

西成登萬寶朝野慶昌辰九日君詩苦三危我思新
離羣綿歲月少一幾悲辛歲暮心期遠休憐楚水人

其二

今歲行將暮來茲是丙辰吾年踰玉化爾學定盤新
有事無忘助看書耐苦辛淵才如已竭方信舜何人

朱子每戒學者志助之病曰徐徐乎毋欲速也汲汲乎毋敢怠也又自叙初年爲學之方曰某讀書十分

辛

贈或人

丙辰

嶺雪消將盡前溪水漸深春從花藥煖人倚木蘭吟
海國多風雨書窻有古今相逢成笑語去矣莫傷心

端陽日咏懷

節是天中勝魂誰水北招菖花記少日棟葉寂風謠
昨哭 寧陵諱今悲板墓遙思將楊子鏡獻 御照
羣妖

次疇孫松棚韻

役僕投深谷撐松補短簷愁妨尋戶月喜却射窻炎
失得翻仍覆乘除減即添悠然還一笑心與海波恬

偶吟

明世遭遷謫孤身付怨讐兒孫方病暑時節已長秋
自惜黃昏近還憂聖路悠依歸猶有地妙旨卷中留
丁巳清明次疇孫韻

一雨連三日前宵又到明山雲愁帶濕池草夢生青
寒食明朝至杜鵑今夜聲遙思丘壠薦魚網設寒汀
苦冬雨

今歲何恒雨深冬不見天川溪潦淪瀆原野草芊綿
集木憐飢鳥尋村似禁烟還思雲谷老祈雪迓豐年
次洪輔而韻

晦父平生事尋求此百年明誠承古聖博約冠羣賢

喜有依歸地寧論定勝天逢君聊說此脩竹映清漣

戊午八月夜吟成二律欲示疇使和而忘之

秋來病不去諸少勸加餐京邑音書斷故人行路難
浮生年自促閑漢意猶安久坐茅簷下林間夜月寒
其二

有酒誰同飲無朋可共歡雨晴風瑟瑟雲捲月團團
永夜詩將瘦衰荷鷺欲寒意闌還就枕飢鼠齧空簾
次疇孫石南寺見寄韻

醉吟詩上語拍拍滿懷春我不知年數伊能要日新
顏淵真可學子建豈須親最是居幽室須知有鬼神

警疇孫

三戒常相警嗟今聽此行誰知不得已相識亦且驚
鐵石心腸幾床帷性命輕吾言如勿忘須不誤平生

次疇孫韻

新筠兼細大乳燕更高低海氣晴猶暗鄉關夢亦迷
形骸疑槁木名理恐拖泥此外無餘事何復歎棲棲

次疇孫開字韻

世道今如許金緘不欲開墻茨言辱也社訟聽忍哉
却喜塵寰隔都無惡口來忘機海上鳥時逐暮潮迴

周禮凡男女之陰訟聽于勝國之社

挽李君

寶樹趨庭暇時從老子遊因知家範懿不是世人儔

啜菽歡猶盡聯枝樂且優人生真夜壑老淚為沾裘

首句一作每恨芝眉隔時從玉樹遊

挽朴志勳

儒城名里邑少小讀詩書試席曾濡筆侯門不曳裾
子孫扶晚節晨夕即端居忽忽歸泉道靈辰泣井閭

宋叅議 夫人姜氏挽

最感吾宗族夫人內行敦篤生賢女貴仍誕 聖妃
尊壽耆悲歡足哀榮禮數繁千秋同穴樂佳氣俎橋

原

次龔華使贈沈漁村韻 乙丑

嘉靖十六年丁酉 帝遣翰林院修撰雲岡

龔用卿戶科給事中龍津吳希孟來頌 皇
嗣誕生詔時漁村沈公彥光爲伴使爲說其
鏡浦湖亭之勝請詩以賁之則雲岡不斬也
今其詩尚留亭壁于茲一百五十年矣漁村
後孫澄靜而甫錄示原韻而要余和之噫東
人之不見漢儀已久也感古傷今聊以見匪
風下泉之思耳幸勿爲外人道也

聞說湖亭勝何年漢節通星從少海耀雲擁太微紅
賸喜留珠唾還教咏渚鴻 皇華那復見天地一衰
翁

原韻

附

欽差正使雲岡龔用卿

湖水平如鏡冥冥滄海通潮光迷岸白漁火射波
紅倚檻看歸鳥臨磯數去鴻村居原自得知是對
鷗翁

臘日思疇孫

臘日今朝至蒼茫歲已邁飢鳥啼古木寒雪擁閑愁
八十年華逼三千世界優無端思 禁直雙鬢幾莖
秋

除日

乙丑今宵盡明朝是丙寅舊爲 天啓六今入閏餘
旬鳳歷行難記 龍輶去幾春孤臣啼白首淚盡夜
將晨 明儒以元
爲閏位

丙寅寒食和杜

今朝寒食至春物笑寒儒岸上羣芳嫩雲邊一岫孤
長思儀舜鳳還恠悔程蘇寂寞空山裏端居是坦途

還次疇孫 丙寅

溪水雖云永何如我爾思霜來千樹葉筒有五言詩
水冷魚鱗戢天長鴈影遲音書憑不得清夜夢為期

安生 應寅挽

君世皆仁壽期君亦百年如何猶白面乃爾遽黃泉
曉月悲蒿里新阡哭杜鵑餘生懷舊淚臨挽更潸然

次寒碧使君金仲 和韻 戊辰

觀瀾詞一唱臨水屋三間謝客渾無事看書却未閒

巴溪寒碎玉離石削為山興至呼朋去長吟信馬還

西山寺示孫兒

春日西山寺來吾喫薺根看書宜靜閱為學貴燖溫
祇恐牽懶習未能副誨言願賡韓子作示警小孫昏

鄭懷德翊周大夫人挽

杞室存儀則陶闡著義方三郎齊佩竹一弁亦乘障
雨述專城久獐山左海忙空餘舞彩地穉老共悲傷

五言排律

孝宗大王挽章 次朱子 乙亥 阜陵挽

國以重明受天教赫業昌 自應侔舜禹何足數高
光 孝友惇天叙文明煥海疆 道心膺駿命 神

武讐蠻鄉禮士燕臺峻休良漢澤滂張皇森虎旅肅
穆振鷓行物茁春嘘後臚臧日照傍行高看處變
禮盡見居喪宇宙懷深耻風塵有暗傷糜心安野草
鳳詔帶天香未敢孤虛席那能守括囊鴻恩難
報答聖德曷揄揚方祝岡陵壽誰知劍鳥忙
慟緣遺意結恨在不言長疾病淹孤館趨踰憶內
廂抱書常涕泣誌琰劇悲惶往昔堪重說狂愚愧
不量平生滿腔血白首寫哀章

明聖王后挽章

甲子

允矣姜任德魏乎馬鄧門夙膺三聖簡仍事四
朝尊嬪則柔嘉著宮庭令譽繁殫誠修黻冕追

孝奉蘋蘩可一周臣亂能叅地勢坤竅區流惠澤親
屬絕私恩奄值天崩痛還遭世運屯淫朋方典扇
邪議政騰喧簾對昭羣慝邦誣白一言士流終不
禍宗祏幸重存睿筭多陰助王誅戒或寬隆
功元不宰神化絕無痕頌溢慈儀篤歡騰聖
孝敦日君嬰疾疹天只劇憂煩請代頻齋沐勞
身罔早昏纔聞邦慶布忍見訃車奔省弊頒遺
命詒謨裕後昆紫宸哀靡極黎庶德難諉幽宅
從先主千秋共此原孤臣猶不死血泣暗銷魂

尤菴先生文集卷三

尤菴先生文集卷四

詩 七言律

竹窻李公 時稷 挽

氣節堂堂李太常當時一死上磨蒼孔仁孟義真無
愧曾海夷山耀有光宜室夫人終化劍吾家老伯永
齊芳荆陽日夜西流水萬古聲名問短長

其二

死義公應餘事得平生德業足揄揚門前積雪欽承
久座上風占得長孤墳獨揭春王正舊宅長明宋
日光小子祇今靡所放不堪哀淚落些章

敬步諸賢韻 辛巳

明甫思誠與希仲請聞英甫唱采薇徘徊帝伯皇王
事照耀星辰日月輝古有孟軻邪遁息時無元晦議
論非悵望闕里已千載獨立嚶嚶誰與歸

其二

吁嗟末路轉紛綸晦却君臣父子倫禮樂百年箕子
國車書萬里大明人此心倘可明於水我面如何上
得塵身外許多渾不管窻前白日眼前春

其三

諸賢談理皆超詣箇裏難容毛有倫云云庶象非他
物莫莫真源亦是塵十二會去成闢闔三百爻來盡
天人男兒欲了乾坤事請看鄒軻答景春

次市南謫穩城見寄韻

庚寅

古轍崎嶇獨自隨暫時離索莫相悲心期已向叅同
見學力從看氣貌知懲熱幾多翻吹齏惡方那忍更
成規天心玉汝真堪喜休費幽吟攪我思

蔡西山謫時與晦菴

洒然論叅同契
氣兒用涪翁事

清陰金先生挽

壬辰

幾年心事獨間關孤月分明照膽寒歌奏六噫賡宋
瑞風清千古嗣西山當時不盡涪灘淚此日空成殄
瘁嘆終古精靈應未浪佇看星彩尚斑斕

其二

一讀遺疏淚掩瞳今人誰識子囊忠時艱忍縮懷間

手 主聖還忘鏡裏容人思將相三千日跡似乾淳
七十翁壯節如今渾寂寞仲昆泉下好相從

閔監司 光勳 夫人挽 癸巳

猥荷諸郎許斷金沿流却得認源深蕃昌定自崔堂
乳學業還從柳母參文駟方期徵福履慈烏忍見吐
哀音雲輶永謝簾櫳去遙想攀號淚不禁 駟恐

郭叅奉 欽挽

少小攻文坐數竒暮年丘壑任蕨蕤徘徊未厭詩書
樂慷慨長嗟叔季時八耄光華輸窳窳二郎賢俊繼
箕裘孤生最有無窮勸渭水悲吟念母詩

金龍宮 德民 挽

翛然身世老林泉先正家聲賴有傳暫領偏城殘簿
牒長邀閑界好風煙諸郎秩秩追前範宅相聯聯慕
古賢鍾谷祇今山獨在忍看園後卽新阡

次市南韻贈美村赴 召之行兼呈春炭二兄
戊戌

病螿三冬始出門叨陪羣彥聽佳論從容杯酒深情
在顛倒嘲諧至理存濟水誰何還以水不言休說是
要言雖然今日行藏異兒女山林莫問尊 雖然今日
行藏異一

作長看出
處同歸潔

宋叅議 國澤 挽 己亥

四友堂文半未成忽驚旅館復三聲常思退去同丘

壑誰謂歸來異死生疇昔歎言猶在耳暮年殘淚久
凝睛從今更向飛庵路不忍林間聽鳥嚶

完南李公

厚源

挽庚子

血泣 寧陵未改霜如何夫子下從忙平生契誼如
金石晚歲箴規盡肺腸絕筆披來心欲斷些章寫去
恨偏長此生自料悲無幾視已茫茫鬢已蒼

洪監司

歲挽

辛丑

興王當日有名臣藝掖詞垣步武親暫試牛刀堪記
績每拈詩筆喜如新音容倏爾歸泉壤風彩誰能表
摺紳老子偏增懷舊淚靜公門下迹尤陳

尹冲舉

飛卿

內挽

天道茫茫誰主張善人自古多罹殃承宣母殯火炎
起賢婦蛾燈軀命亡子政遺編堪與續唐時盧氏還
無光吾家低面襲餘馥不勝其喪吁可傷

遊楓嶽次尹美村韻

壬寅

陳編聞有古人心半世牢關字字尋却恐埋頭無了
日遂將閑脚逐孤禽楓山灑氣千年積蓬海滄波萬
丈深此地只宜南嶽句每登高處費長吟

李原州挽

公年長我廿春秋早許忘年到白頭君子堂中曾永
夕監司宅裏幾同禰由來每恨清湖阻此去難追厚
夜幽哭送山樊菲薄莫精靈嘗我一盃不

金子彬 益州挽

少陪函文獲從遊
磋切情深到白頭
二老琴書悲舊業
一生貧病有同憂
長嗟報施拋虛井
遠見蒼黃喪夜舟
不耐寢門無限慟
但將衰淚洒清秋

俞市南挽 甲辰

不繫羸拳與至誠
由來賢聖故無成
當年偶起清波臥
他日空留岱嶽名
世事祇今甘首疾
人間無處不心驚
孤生慟哭江湖裏
豈獨交親念舊情

李判書 時發 夫人挽

圖史中間事可陳
夫人賢淑故無倫
桓君着布承司隸
絡秀稱觴慶伯仁
當日城崩看國俗
今朝劍化了

生因愚蒙永負升堂願
遙想萊裾淚濕巾

尹童土 舜舉 挽 丁未

不謂今年多少人
寢門前後淚相因
八松文彩曾無忝
文簡規模看不磷
晉筆唐詩三昧事
麻衣草坐一生身
從今士夫誰宗仰
獨有連倫似蜀岷

尹判書 絳 挽

貞姿不與世人知
晚節凌秋始覺稀
半熟黃梁誰夢覺
一生朱紱不心期
南阡北陌真歸去
東畔西頭任是非
欲舉籃輿今已矣
澗邊和淚寫哀詞

俞市南夫人挽

當年市老正家時
人道夫人閻範宜
半世糟糠安若

命晚來封誥到還疑崩城杞哭身仍疾喜檄毛顏孝
為誰湖上新封相對起寢門餘淚更沾髭

李濟州 墳挽 戊申

過海猶傷遠別離那堪丹旆送寒颶平生直道名塗
枳高世奇才下邑麾事契于今誰在者艱虞如許我
思之新阡永負雞綿酌獨立山中老淚垂

次李學士彝仲韻

末路何人更問津雲臺虛館便藏真詩書有術難醫
國山水無心屬可人白髮蒼顏封事日丹霞明月感
懷春沉吟老栢無窮意只向潭祠畫白綸

憶疇孫

疇也辭歸在漢師而來三月我西志夢中宛爾開門
入柳下依然挾冊隨酒漉盈尊虛待爾文成在紙對
論誰相思切後還歸正忤與求心最克治明道先生
說雄雉詩
日瞻彼日月悠悠我思道之云遠曷云能來思之切
矣百爾君子不知德行不忤不求何用不滅歸于正
也詩註故
害求食也

慶林君李公 浚挽

雞林勲德尚書賢為子為兄美莫肩曾與並為溪上
士故承相庇漢中年終膺爵 命榮誰競不失清疎
事可傳莫向佳城空洒淚生今何似死歸全

李監司 秦洲挽 己酉

稼收輝光日月懸三今猶見後人賢才猷自合安危

仗行義誰疵孝友全 紫誥方專荆楚任黃楊遽值
閏餘年回頭忍說平生事痛哭堂封淚入泉

李判書 慶徽 挽

穎老風流蒼嶼知國之光耿至今垂後人賢俊能薪
荷前輩老成皆轂推 明世益梅方有契冥途神鬼
終相欺憂端今日正如此還說元城命好時

趙判書 啓遠 挽 庚戌

老去懸車步履便人言塵界有神仙搏扶路昔天衢
濶休逸名今野史傳放迹誰知安樂法忘形真作喜
歡綠蘿溪鳥嶽終寥落追挹餘風咏短篇

韓尚州 壽遠 挽

懸知宇宙此生孤底事今朝淚濕襦五馬纔聞山外
過三臯忽報洛濱呼通家契誼今誰在高第循良世
更無却憶東畿村舍語忍忘勤誨盡情輸

李生 後望 挽

人生未有長無死天道如何而至斯晝燭偏親仍夜
哭喪慈諸孺更呼伊深山老我誰青眼昨日尋君但
素帷溪上漁磯松裏宅祇今猿鶴共傷悲

宋護軍 國綱 挽 壬子

主我宗盟兩世宜幾年花樹古風儀悲歡吊慶相關
事風月溪山好會時當日醉翁餘淚在今晨沙里挽
歌悲可憐荒草幽墟裏昆弟爺孃喜共隨

宋定山 有秋挽

黃院從遊已廿年中間世故騰推遷何人不改心中
事吾友全無口角涎 寵命才宣丹鳳下靈輻遽出
白江邊平生事契今誰在蕭挽題來老淚漣

尹石湖挽

童文村兄餘淚在如何夫子又長休甘和白采姿資
近松老坡翁道教優丘壑詩書空自蠹田園芋栗更
誰收平生心悅看吾最痛哭空搔此白頭

成知事 櫻挽

溪門道德典刑存一世爭瞻壽考尊八表崇資輸已
致專城榮養戴 君恩詩書舊業賢孫在厚善遺風

薄俗敦悃悵年來清誨阻不堪題挽淚生痕

朴判官 世基挽

衡茅喬木自殊程猥介諸郎識老成居室已知承藉
遠處官嘗服去留輕僧堂別去如三歲崖广書來忽
九京記得流言交亂日非公那得寸心明

李叅判 敏迪挽 甲寅

丞相高名北斗懸喜看賢子守青氈趨庭綽綽徵羣
行許國悽悽奏大篇經濟初心空墮井平生姱節竟
重泉祇今世道沉淪甚叔譽何年起此賢

題桂潭風月亭

甲川之下曾峰南徃昔誰名此桂潭吾叔一卿營棟

宇疎松數箇領烟嵐風來曠野神魂爽月入澄波象
緯涵自是雙清吾舊業濂翁胸次更須探

雙清即先
祖堂號

次疇孫除夕詠懷韻

看看節序逼新年默念初心夜未眠籛伯玉非真可
改侍臣冠辱不須憐義爲路又仁爲宅仰益高兼鑽
益堅坐誦濂翁溪上語希賢希聖也希天

次疇孫元日韻

乙卯

黨籍光華嗟我輩况今佳節屬三元天倫樂事忘瓊
瓊朝著彈文任喧喧勁篠凌霜臨壑谷晴曦穿霧散
丘樊諸賢且莫爭饒舌崖草猶沾雨露恩

次疇孫咏松韻

誰栽澗畔兩株松枝幹縱橫作老龍好雨洗來除舊
染清風吹去爽新容蓬萊鶴過祥雲襲華嶽人遊瑞
氣濃休說歲寒無改節鎖烟堪受大夫封

次李同甫記夢韻

淵源聖學自危微此道由來識者稀寒水空餘照秋
月考亭誰復受深衣靜觀昔者嘗從事叔譽今朝欲
興歸珎重遺廬書滿架兒郎不必詫漁磯

次尹景任

衡聖
韻

南山誰聽寧歌悲自謂非狂笑食其只把陳編期有
得那將萋草樂無知楚江蘅芷秋猶馥聖路荆榛世
莫披夫子又尋崖海去更憐雲翅困低垂

次再從孫元錫韻

慙無學力破藩籬且向危階習了危蠻土語音聽未
慣優人冠服秘難知爾能野隱家聲嗣我獨 寧王
聖德思最是淫哇饒喙喙休將三籟問南棊優人冠服云者

其二

計拙常依短短籬暮年流落此三危蠅頭榮利小之
小蠻蜀紛紜知不知無妄得牛真好笑塞翁亡馬可
冥思由來倚伏皆如此莫上蓮舟訪乙棊得牛亡馬云者易曰
行人得牛邑人之災今日新貴所得大矣而被其災者甚多又君被拿時所乘見奪於金吾卒故用得牛亡馬事可發一大笑也乙棊云者五行卜命書所原也

其三

于櫓於仁禮作籬亡非其樂豈安危斑斕戲處庭闈
喜黍稷蠲時祖考知棣萼聯輝香益遠角弓翩反咎
宜思最宜衽席矜持在教子還須謹履綦角弓云云詩以角弓之反比親戚之相違又詩曰既有肥牲以速諸舅寧適不來微我有咎此正諸君之所當服膺者故及之

次洪元九所寄韻

瘦骨稜稜七十霜囚山苦竹四邊荒煩言已極 新
王聖栴棘雖深白日光一麓殘書同作客五更孤月
自盈堂憑君莫說山中事海畔蒼松亦萬行

其二

孤囚長在小城東老去吾猶夢晦翁雲谷武夷身易

健邇英垂拱迹難通秋陽江漢遺書裏春服沂雩寫
照中羹墻此意須生死不管今人齒舌叢

次曹可運一韻

喜說蘇公謫海南面如紅玉百能堪閑吟惠院花成
雪好對儋山日染嵐伊我苦尋經理奧嗟君漫祝
主恩覃如今世事輸欵枕憲爵看渠握復舍

其二

經旬淫雨暗東南此日羈愁兩不堪直恐橫流傾砥
柱寧論蒸瘴渾山嵐時人且莫登車蓋聖母端宜賦
葛覃為問朗州逸客意何如精衛樹枝舍車蓋亭名蔡確登此
議訕宣仁太后葛覃有后妃四德勤儉孝敬朗州靈巖別號李白詩區區精衛鳥舍木空哀吟註以此人

臣懷區區報國之心盡忠竭力而不見知者其意微而顯矣

兒孫次息營堂韻聊步以示

欲寡何須理八音貪泉不易伯夷心愚人沒利生仍
死俗士趨名古匪今獨占清幽斯境界誰知瀟洒此
胸襟村翁復應濂翁宅好把千繩句朗吟

次息營堂塘字韻以示孫兒

聞說仙居枕小塘坐思清興屬高堂傍花隨柳追明
道拋册尋春景紫陽菡萏青泥寧受污芝蘭空谷自
含香知君永息經營意世味誰言好備嘗

復疊前韻示宋生相琦

君在湖西我嶺南聞君學海正潭潭春堂自可尋遺

馥月嶽還宜挹翠嵐晦父精粗吾道貫濂翁光霽此
心涵也知妙敬為基本至理須從這裏探右作語頭高非所以
語初學者蓋恐躐等凌節有不切於身之患故又下一轉語以反之幸有以諒之也

其二

此道伊誰是指南東偏標的在溪潭美珠得必遊滄
海神馬求將上岢嵐文藝笑他先灑掃訓謨從古貴
泓涵欲知好事終無限塾子書中仔細探岢嵐山名上有渥洼水產神馬○朱先生戒子書曰勤謹二字循之以上有無限好事吾雖未敢言而竊為汝願之反之以有無限不好事吾雖不欲言而未免為汝憂之也

七夕次疇孫韻示道源父子求和丙辰

閑看羣蟻上南柯歲序無端逐水過年邁衛蘧思過

寡貧同原憲覺身多拍頭大處爭趨陸禮器壞時孰

罪何天上佳期吾不管好將雙抱得詩哦朱先生詩貧覺一身

多先生又謂陸子靜大拍頭胡叫喚而憂其說之頗行於江湖間也拍頭作樂時所用也范甯嘗曰王弼何晏蔑禮亂俗之罪甚於桀紂

次崔善餘世慶韻丁巳

蒼兔吾為有北臣君來同作德源人南荒千里重聯
榻丁巳三元又一春白髮丹心渾是舊青燐黑霧去
猶新君行有語君須記莫歎人生志不伸

春日示兒孫

歲律回新淑景溫天邊風氣欲平分閑吟晦父區中
句不讀坡公嶺外文近海叢篁將抱子壓城高樹晚

生雲何愁故國逾千里好把殘年寄典墳朱子詩未諧物外期

次谷雲所用放翁韻

移家新作數椽宮楓嶽之西漢水東爭說此身逃物外誰知至樂在憂中心遊今古襟懷遠案有詩書事業鴻最是臥龍祠裏像神交冥漠思無窮

次退憂 顯廟諱日韻

山呼幾祝萬年期 聖世爭希物物滋十六春中流惠澤萬千幾上盡 心思南巡秋日今朝屆北望孤臣至死悲遙想相公同此意寸誠惟許鬼神知

次文谷夢拜 孝廟韻

朗州遷客夜三更夢拜 重瞳罄血誠 孺子無朋初籲俊微臣有罪久舍生八音尚記三年過九法空教萬世明敷衽未央蝴蝶散竹林悽斷杜鵑聲

次退憂山居漫吟韻

說著刑章意不平如何流毒宋遺氓都無社飯思先后却有仙官總庶明舊弼復輿青海去上元詩句碧灣成尚喜涪翁髭髮好閑將爰象贖周情仙官用蔡京事上元

用蔡確誣辱高后事

次退憂所用李同甫韻

晦父平生守一丘自期知罪是春秋雙行義利譏同甫兩可賢邪歎應求憂子所憂寧有極樂吾之樂却

無愁至今白鹿祠前水來自源頭汨瀟流

朱先生次范伯崇韻

曰平生罪我只春秋

其二

聞說何人請掃門從知盛德在兼尊蒸豚饋處羊還
可取瑟歌時世自喧狸女莫言無失故薰蕕自是不
同園看他腐鼠爭相嚇鸞鴛元來思匪存

夜坐聽雨次同甫韻

溪聲得雨開寒更不耐茅齋旅夢清况有弟兄長枕
樂從教橐籥道心生南朝喜說全閩偽晉室爭言半
坐迎此箇紛紛何足聽却於良友也關情

丁巳八月日詠懷

蠻土休言歲月長安身何處不吾鄉風吹木葉根猶
靜霜折蘭枝意自香多謝晦翁提我耳須知康節刮
人眶箇中密切工夫在鄒聖當年戒助忘

觀擊壤集偶吟

七尺殘軀病復閑看物理是山林忙蜂都管一春
事老驥猶存千里心帝霸經綸金與鐵賢愚興敗古
猶今時時說到無窮事三復堯夫偶見吟

次鄭東溟梅鶴亭韻

出耜詩兼偈奉塵玉山曾臥此江濱寰中未有如斯
境世上應無似此人梅鶴者何而管我利名且也不
關身祇今太史留真蹟却怕江心有鬼神

其二

門墻誰與栗翁尊巨海涵泓衆水奔全器貴人聯棟
萼駕風豪氣躡天根西湖逸興今和靖南土名區是
壯元箇裏後人皆不俗承宣還作遂初孫

次疇孫夜坐吟韻

帚蜂詩語正凌兢夢寐寧望報赦蠅草野封章爭峻
截霜臺白簡劇威稜存身有術須安土學道無成笑
鏤冰老去其如昏惰甚靜中還愧瑞巖僧

其二

如何夕惕復朝兢抖擻無如被凍蠅喜向成都逢造
笊羞從味道學模稜誰知壁立能光道堪笑叢嗥是

伐冰勸戒任他良史筆端居好作默言僧

夜看孟子有感

地僻天寒無一事沈吟之外更何爲燈孤長夜吾偏
愛理奧陳編世莫知欲識曾西羞管意須看御者獲
禽時鄒輿此義因埋沒惟有江都信不疑

次贈韓汝翼

聖翼

兼奉汝碩

韓延安

輔字城主

相逢三夜說平生臨別那堪唱渭城君似淨安空下
淚吾非至德却逃荆樂天知命蒙期許厚襪新袍見
義情想得行歸深閉戶連床晨夕講朱程

感懷口號

說者從來太過乎道須能卷又能舒人間好事不常

有天下奇才何處無年近從心惟策杖詩逢得意便
操觚快心亦恐詩句速更把狂詩大字書

其二

近日頭風不奈何未妨談笑與高歌人才相去不甚
遠事體所爭能許多閉目面前都是暗開懷天下更
無他若由智數經營得大有英雄善揣摩

南判書雲卿嘗至同春堂賦詩同春公沒後其
孫炳遠來求步韻愴涕而副之仍令疇孫繼之

戊午

孰飢無食孰無衣惻隱心如决泗沂已到克時均物
我揚從休處妙緘機溫風習習催芽甲淑景熙熙動

躍飛仰止名堂當日意幾年夫子九原歸

數年無事偶閱晦翁論及道家事有感於心而
願學焉今青松沈德升遠來相守專說吾儒文
字因次其韻以贈行

海天雲月浩無邊有道家流任自然服食劉安丹一
鼎含霞屈子壽千年邪魔自昔申爲禁真誥何人續
不傳珎重沈君千里至還將死法誦文宣

讀易傳

灑灑舟中誠敬在涪州城裏象爻陳何嘗不有如斯
世只是曾無似此人七分理明誰與授千年緒亂却
堪繪可憐正值膏肓日空使神丹未壽良

夏日吟

一年時節當三夏景物風光可自怡嫩舌鷺雛方學
語粧黃杏子惜辭枝雨關幽夢忘蝴蝶筮到成文見
伏羲娛老情懷誰與說時時拈筆寫新詩

示孫兒

炎夏才消秋又至旬餘雨止興悠哉詩中罪過伊能
改酒裏功勞病不猜昔者壯心都入夢由來新事任
成堆臨年勤苦須毋戒無幾淵冰是可哀

久雨因以大風望野有感

雨餘蘭蕙正離披更被勅風滿意吹且莫愁歎逢敗
處却須思念未生時任他羣艷爭娟媚自喜貞心不

改移聞道仁人皆若是肯因憔悴浪皺眉

示疇孫

嗟爾年芳學未成誰禁意馬脫韉行難於隱處心無
愧當不遜時患已成先世有文兼有行汝身宜重不
宜輕古今多少爲君子一一皆從強制情

偶吟

古樂今誰知大夏郢都無復和陽春酒當茅處元非
醜羹到型時未是真縱說難忘君子道還無能認自
家身七情五性皆天命不識誠明竟不純

書懷示疇晦二孫

朱文之外更無知榮辱死生難力爲滌蕩煩襟一瓮

酒掄揚幽思數篇詩幸當水竹溪山處肯負暄涼雪
月時暮景雄圖惟汲古陳編不讀復何期

憶塞北二謫

溼潦連月淥盈溝蜀玉鴛鴦得意秋世上喧啾來不
盡天涯歲月去難留隔離新殞朝朝哭傍砌生薑日
日抽遙憶北荒囚蔡李猗颯吹雪授衣不

讀朱子大全有感而吟

集大成人久不生一千年後濁河清七閩山嶽神皆
降羣聖圖書理盡明底事 皇朝尊陸學可嘆東土
騁狐精願言空碧陰雲滅日月高懸鬼魅驚

謾吟示兒孫

天邊歲月似奔川時閱塵箱一二編心放逸時為劇
敵體便安處是真仙人間營壘看隅落卷上工夫怕
鑽研多愧細微疎點檢兒孫慎勿效吾愆

次李美叔韻

蓬翁消息不難知原韻云滂陵消息邈難知須識蓬翁戲劇時晦

壁千尋妄意效楊鶉百結有時披生憎魘相妖全騁
文谷臺草全用可笑跛臺路轉危醉後此翁增罪過
衆皆悲處獨無悲朱先生曰今為避禍之說者固出於相愛然使其壁立千仞豈不益
為吾道之光朱先生嘗曰楊子直嘗以微服過宋見教今渠懸鶉百結而亦不得免亦可笑也

代書答朴徵之

大道誰尋朱晦父全家難見鮑叅軍荆園談笑須歸

我林局清疎盡屬君好事空隨一夢過壯心寧逐百家焚壯心好事猶爲賸祗得關門佔畢勤

申聖時復來見訪於其歸書此爲贈兼示首谷諸友馬巖羣姪孫

逢秋舊病未能痊長歎茅簷帶醉眠千里故人開戶八四年心事對床傳自多白日臨頭上更喜青山在眼前形貌不須驚老醜好從涪笮理韋編

夜坐書懷示疇孫

老年沉病惟耽藥少日壯心都作灰只有小孫才可望却排多悶意常開莫於城闕隨人去肯向施嬭着眼來二者之關能透得追蹤先古儘恢恢

其二

我教小孫不以身宜其邈邈此諄諄余言而自聖賢說汝質幸非愚下人趙相采葑豈下體郢書舉燭開賢臣雖云夫子未於正於爾何妨德日新

次遜溪朴徵之韻

生憎前後遜溪書不把周行遠示余自有丹青今古事要尋昭曠聖賢居仲長樂志君休詫孺子高風我不如若向七閩闡大道更無紛垢到衣裾

其二

時不由天我作時何嘗刺口說興衰孟言捨我其誰也孔曰學而時習之任道以身雖大事積功於己是

真師始知大丈夫如此獨立乾坤笑衍儀

自警吟示兒孫

何者名為大丈夫於財於色視如無夭嬌豈足戕身
者神鬼寧能闕室乎霽月千江心共照長風八字氣
同驅須看萬古英雄事戰戰兢兢實作樞

走筆自訟示疇孫使和蓋愛之甚故不覺告之
瀆也

世路無如人欲險閩翁此句警余深寸膠爭柰渾千
丈香澤終成塹萬尋捧土誰填孟津水以言偏愧伯
魚第五倫字箴辭顏強教徒為耳獨處邪心余自禁古語云琴
者禁也禁邪心也

夜坐吟成示疇晦二孫使和

莫憶吾廬松桂傍囚山偏荷日垂光諸朋券買耕田
地獨我居為佔畢坊七十二年身危困二三千歲事
張皇還教祖孫為知己好向明窗靜對床

即事

昔昔朝朝無一事此身閑處只徘徊孤危帥宰趨起
在珍重親朋筆札來大海波聲搖棟宇西山竹色撲
尊罍兒孫幸有佳知姓時把翻書講柳開

觀擊壤集

七尺吾身立厚坤推原本是自天根靜中觀理分毫
釐夢裏尋人到皞軒會有契時忘有罪到無心處却

無言蛇頭蝎尾于何事可笑堯夫好議論

示諸孫

外內孫曾餘二十人言蘭玉鬱成林我衰未課詩書
業渠懶甘為牛馬襟誰紹圭菴西阜學難同習靜睡
翁衾如能一一知無忝世上閑愁不到心

其二

如求一一能無忝衆鳥中須有鳳凰鵬化仁忘獮
狢烏鴉變色爛文章孔門七十寧皆哲伊川先生曰
孔孟之門豈
皆賢哲固多衆人惟其不敢
信已而信其師故求而後得周德三千始或狂此責
任無分付處汝疇努力慎毋忘

次友人韻

煩言日積並梁岷自信吾心質鬼神歲序未盈三次
閨朝廷已換一番人堪憐白屋孤惲泣正耐朱門劍
佩新惟有平生知己在數詩珍重可書紳

贈人

怒吼滄溟幾丈深天邊歲月鬢邊侵常思孟氏難言
氣要識中庸不說心密處誰防虛屋寇用時慙負敬
齋箴逢君賸討明誠事肯向燈前費苦吟

追憶 孝考德音

孝考常言予責任在明天理正人心中原寇虜非難
逐自己私邪未易禁定國由君君即我殷宗得說說
為霖小臣拜手嵩呼返至死剝肝記 德音

讀易吟

聖人開物無如易義旨曾因羨里傳雖通物性興衰
理未悟天心好惡權箴桶猶能知未濟弄丸誰復玩
先天星陳拱極伊川傳更得閩翁體用全

漫吟

紛紛物理莽如沙憂樂橫斜又正邪風月樓臺仙聖
集錦珠家室鬼神差寒林莫惜災殃葉上苑爭看富
貴花可笑馬卿詞俊逸何如方朔辨呶牙

示孫兒

幽憂豈是爲三危此日幽憂我自知強側耳聽無可
喜不開尊飲更何爲周南召南將鯉也蘇氏左氏嗟

受之况復曾兒長懶惰惟吟天運古人詩

憶疇孫

向老筋骸喜少康繞堦時菊一時芳時人圈套機關
巧前聖語言意味長食罷有時尋藥圃睡餘無事閱
醫方兒孫千里如無懶雖阻三冬亦不妨

立春日走筆次疇孫韻

明歲春元此穀朝一身猶歎類蓬飄炊烟漠漠生村
靄華髮垂垂對柳條密雪乘風成玉界短狐噓氣作
虹橋如何百結家琴碓能使妻兒慰腸枵

戊午除日吟

臘月正當三十日孫翁父子弟兄并佳賓青眼兩三

至美酒深杯四五傾已老不須驚歲去禦彭還笑到
天明曾傳屈子長年術不怕來年夢兩楹落句知罪
如罪蓋宋

姓本出於殷則死後亦可用
殷禮而賤齒來年適七十三

次疇孫除夜韻

吾身久在兩儀中慚愧長孤帝降衷正己何能無己
克有生還與未生同如九歲月終難繫未燼詩書可
着功白首吟詩酬穉齒平生壯志轉頭空

己未新元書示諸孫

西京河北任啾喧滿架詩書教子孫此日貽謀雖齟
齟他年收效定安尊理精微處須探索幾善惡時莫
眯昏老我提撕能幾日斯言非耄要心存丁巳章甫
訟宛時尹

鐫疏以爲西京之
頌莽河北之稱聖

吟示諸孫

棘城空隙任西東弊屣枯筇步步慵故舊叩門時款
曲詩書留案體從容溪魚樂似江湖裡階鳥親如澗
谷中不必無何長飲酒虛閑真趣自無窮

日與疇孫酬唱慮有小雅怨誹意書以自識

日日吟詩要樂和於無事處事還生猶賢博奕資爭
競遠勝談言廢課程寒暑暄涼輸燮理風花水竹入
題評箇中絕去時人事怕見羸秦四百坑

與二孫吟酒

麴米誰兼深瓮贈初聞細雨響清秋相酬不爲吾無

事更進寧因爾有愁浩浩還憎陶令止醺醺却與化
翁遊雖然鄉黨存明法莫諉彭門大白浮晦翁自南
康歸時與

諸人坐彭蠡有浮大白之語第二句一作相酬不是因無事更進何會為有愁

次樹谷遊東京韻

夫君浪迹事幽尋五馬今過亳社陰地着犁鋤多白
玉臺名歌舞不黃金當時盛事悲烟沒此日神州痛
陸沈為問九京墟墓裏與歸何者慰悲吟

疇孫次樹谷遊山韻其次聯語略無遜此雖詩
格常例而終不能安遂下一轉語仍步成一篇
樹谷何如李氏盤向來投迹太無端今追廬阜謝旗
出堪笑徽之拄笏看小曾國時陪聖某開衡雲處挹

豪韓却憐南楚誇雲夢爭似胸襟十倍寬

又次樹谷韻

困厄遭屯死不嘆如君優逸古猶難家無金良身無
帛瀨有嚴陵谷有盤林局好成閑事業盆池喜看小
波瀾如今白首趨塵全一任酒杯寬不寬

又疊前韻

鵬舍囚山且莫嘆梅州待制死無難箕封公頌千年
會世路休言九折盤周雅一生思出谷武夷何日快
觀瀾逢君聽說遊觀壯似我胸吞大地寬

次樹谷遊智異山韻

平生志業負朝聞老去無端觸世紛歎我拘幽三丈

地羨君衝破萬重雲仁同百里人如玉時李仲羽為仁同宰與之故相從故云智異千峰錦作紋安得并州剪刀快奚囊風月割平分

追次樹谷遊山韻

滿天下士多憂者樹谷何為獨樂哉物外有緣閑水竹世間無地起樓臺暫時朱墨優餘了到處湖山表裏開須識晦翁豪氣發非關濁酒二三杯晦翁遊山之興得於

孔聖所謂仁智者故末句及之此相勉之意也

寄樹谷求和

樹谷今為南邑宰笑談無日不清閑向來得意雲山裏此日遊心詩酒間詩出口時堪白戰酒過喉後發

朱顏應知一枕春眠破臥看堦虫作觸蠻

沃州諸生固守程子說又以夷虜之道為可惡立異於院享之論大觸時輩之怒三人謫關西三人謫嶺南真所謂分背矣樹谷適貶官海上為訪昆陽謫人呂進士有衡吕蒙赦在途邂逅

賦詩聊次其韻

沃州羅網二三君關雪遙望嶺海雲竄鳳翔鷗那足說小人君子此中分乘除默筭都泡幻倚伏相酬肯感忻去路徐徐歸坦坦世間唇舌任紛紛

次疇孫韻

此志嘗期死始休却忘雙鬢雪霜稠世人未見人人

好己事何能事事修靜處要當存戒懼用時尤欲省
愆尤寫真詩語丁寧在雲谷門前恨未遊疇孫以東漢皇太子

送李生秀儁

春雨霏霏滿棘城嗟君來訪慰平生閑論今古開眉
笑喜說詩書照眼明無妄生災何足道明夷用晦最
堪行跛君若問吾儂事海上羣仙盡乞盟

憶墨溪

聞君從此跛能履渡水登山不作難文石如何終迹
阻信鷗那忍使盟寒四時景最三春好百歲人誰一
日安想得金川兼鷺里琴尊親友易成歡

次金延之奉和文正先生有感韻

安得人如楚叱嗟終然無賴鐵山河腥膻者臭知誰
嗜禮義之言聽不多古道盡從平地掃先生高與上
穹磨祗應清廟生良句長入仁人醉噎歌姚廣孝識詩有八牛

山河堅似鐵之句

谷雲錄示奉和文正先生詩猥次以呈蕪拙可
笑復用其韻恭奉楊山東州案下或以轉上谷
雲則庶蒙訂還而非所敢望也小孫作並附以
呈幸訂誨

少喜因循老可嗟捧沙誰塞孟津河頭邊謾有詩書
富鬢上還驚歲月多上六玄黃龍戰野小邦褊迫蟻

旋磨殷勤爲報同心子凌八荒篇擊鉢歌

遠遊篇時

所作也其大肯以遠遊之車比存天理工夫以道
艱險比人欲之危其車既摧破許多艱險則坦蕩昭
曠可以凌八荒矣以此此篇爲晦翁之學之始也然則
卓然也故王文憲以此此篇爲晦翁之學之始也然則
吾儕於此可不盡力也哉茲敢奉告雖
不入詩格而其意則不可謂不切矣

康節有落便宜處得便宜之語喜其有會於余
心因成一律示疇孫使和

落便宜處得便宜此事無由問伏羲松冒雪時心更
傲菊迎霜後意尤奇困亨誰識終非困危達方知不
是危寂寞囚山吾與爾不妨談道更吟詩

吟示疇孫

吟詩寫出無人見幸有兒孫次第酬好與平反容罪

過不相爭競意優游皇王帝伯都爲料雪月風花未
盡收笑問閩翁荒矣戒極丁寧後踐言不

自警吟示疇孫

罪魁功首尚堪羞有罪無功汝可劉復失友心壞鐵
甕更招羣謗誤阿疇大驚小恠如風浪怒鏃猜叢視
射侯汝且操心兼慮患桑榆猶或一分收

其二

大抵人情流放易於床第上制尤難書中禮法遺如
唾目下妖邪就若蘭問學妨工猶害淺戕生利斧最
心寒少時狂悖吾幾陷故向而身勉戒殫

自警吟

始知逸我無如老此語堯夫欺我深論病治病尋藥
餌校書編書苦身心希賢不翅跛思步求助還如旱
望霖早夜憂勤成底事堪憐蝨蠅重難任

次疇孫韻

踏厚胡然復踟高吾生久已作牲牢遷南投北形骸
倦渡水登山僕馬勞土崇何如葺說惡海腥還勝狗
兒臊竹間好邀滄溟月獨見清宵百里毫

用康節先生韻咏晦菴夫子

夫子天生號紫陽於斯文上大輝光孔顏賴以仁而
聖天地由之大且方父子君臣倫已顯申商釋老說
何妨遺書滿架誰能了自歎人生百歲忙

次疇孫所用康節韻

歷盡艱危意愈閑棘城猶在水雲間貞心不改悲蘭
蕙壯志還驚負孔顏東市孤魂纏野草北天歸夢阻
關山願乘海上仙槎去萬里煙波任往還

次疇孫端陽日所吟

誰道懷沙行過中楚騷風韻儘無窮還憑集註分明
甚更遣誣辭一並空戀主危衷蘭蕙泣愍時孤憤鬼
神通千秋競渡悲今日爭奈江魚腹裏忠

再用疇孫端午韻

白首孤臣此島中何須放曠哭途窮風鳴竹塢泉聲
遠月出山城海色空緬想楚江人競渡遙憐鄉國信

難通徘徊永念平生志九死寧忘孝與忠

次疇孫韻

經訓無如熟複過最嫌浮念易成魔夜思晝讀疑全
釋寸積銖加得漸多聖道只今悲委草己私須復劇
鉏禾從茲直向朱門去肯爲全身學季和

次擊壤竹庭睡起韻

遐方猶有眼開處日見庭筠箇箇長幽夢罷來梁半
熟小霖收後麥全黃休言楚澤形憔悴長憶 寧陵
命對揚舊史閑看心有會聖賢元不恕姦強

次疇孫籠字韻

海岸平沙夜月籠超然清坐四更中陰陽樞紐妙乎

妙人物情形同不同往古百千萬浩劫先天三十六
春宮倦來欲作羲皇夢蕭瑟窻前萬竹風

次疇孫韻兼示晦孫

萬事由來不足愁宣尼知罪有春秋文章禮樂垂無
極日月星辰照不休求道莫嘆闡道晚存心須要放
心收諄諄誨汝今能幾却怕詖淫入耳稠

其二

莫愁傾國豈須愁只要吾心凜似秋洒落清明邪自
遠淵冰危惕死方休斧戕身後終無及風落山時百
不收我誦梅溪詩上語古今傾敗者何稠

次疇孫聞五謫韻

說到寧陵咽復噫當時羣彥有猷爲經綸密勿基
王業夙夜憂勤際國危龍去幾年均痛慕蔭申今日
更漣湔陰陽消息皆時命呼酒寒窗滿意持

次疇孫讀金滕韻

鷓鴣狼跋莫重陳池渴誰云不自頻假使將如讒者
說何曾請代某之身瘳時神感祝時懇啓此天教得
此伸詩禮詎堪資發冢笑他依樣篡劉新

秋夜吟示孫兒

近日淫霖不耐侵任他鍼蕪不求尋過多猛省幾微
過心壯全無老懶心逸句得時如鳳舉大篇成處若
龍吟幸伊這裏爲良友山水知音豈待琴

次疇孫讀顧命韻

喜讀金滕書一篇不忘何獨烈文賢當時赤舄歸無
所定見蒼姬錄不全顧命誰知明大命已然還可戒
將然矧伊自亂非幾訓精一同條萬世傳

次疇孫讀文侯之命韻

此一篇存聖戒深當時喪亂極尋侵偏安洛邑果何
意揮發岐陽無此心戊甫戊申良已怨盧弓盧矢暴
誰禁因循遂至黍離降千載宜爲丹宸箴

書示二孫

人若求閑未得閑天教我在不忙間羲皇畫卦供遮
眼康節詩文好慰顏蓬戶開時明日月棘籬低處見

雲山床頭忽與清風會一夢遙從畏壘還

次康節首尾吟韻

已未八月初九日為始

尤翁非是愛吟詩詩是尤翁慕古時堯舜羲軒雖貌
矣禹湯文武却承之詩書禮樂無非教神聖仁賢儘
着題千萬年人都一箇尤翁非是愛吟詩

第二

尤翁非是愛吟詩詩是尤翁着眼時磅礴崑崙誰主
是氤氳肅殺自無私流行對待皆微顯闔闢柔剛只
偶奇大小不同皆一貫尤翁非是愛吟詩

第三

尤翁非是愛吟詩詩是尤翁自警時誠意只須看自

慊合天何必要人知如今事事皆流俗雖古人入豈
美資白首窮經猶愈已尤翁非是愛吟詩

第四

尤翁非是愛吟詩詩是尤翁自歎時生此偏邦兼苦
晚矧茲褊性復難移極知醉夢生而死無異紛綸走
與飛虛負壯年今已老尤翁非是愛吟詩

第五

尤翁非是愛吟詩詩是尤翁飲酒時自可盪胸追晦
父非關無事效袁絲斟時誰為採黃菊醉後還無送
白衣燮理經綸題目好尤翁非是愛吟詩

第六

尤翁非是愛吟詩詩是尤翁默數時十二會中今過
半三千界內佛無爲萬雖萬也終歸一微莫微焉揔
可知方寸中間輸入了尤翁非是愛吟詩

第七

尤翁非是愛吟詩詩是尤翁自咎時三省九思都未
了七顛八倒更尤誰常思晦父頭粘頸敢望涪翁髮
與髭病七年求三歲藥尤翁非是愛吟詩

第八

送晦孫
還鄉

尤翁非是愛吟詩詩是尤翁送別時晦父尚稱蘇鐵
石淨安寧見蔡幾微馬亡塞上須寬慎衣濕舟中莫
怨希海外秋風多少意尤翁非是愛吟詩

第九

尤翁非是愛吟詩詩是尤翁安分時缺貧窮都喫
了榮華富貴盡忘之眼前人事悠悠去頭上天風瑟
瑟吹如是死生而已矣尤翁非是愛吟詩

第十

尤翁非是愛吟詩詩是尤翁性事時日月傷夷乾度
錯湯文幽辱仲尼圍如何治世三年旱胡乃嚴霜六
月飛常變推遷還是理尤翁非是愛吟詩

第十一

尤翁非是愛吟詩詩是尤翁晚悟時明白性情誰謂
隱平常義理謬爲奇堪嗟半世柯徒晚豈是穹天管

可窺日用彝倫外無道尤翁非是愛吟詩

第十二

尤翁非是愛吟詩詩是尤翁自喜時不待求之元有拙何須息也本無機頭邊日月閑瀟洒眼底鳶魚任躍飛物外悠然無一事尤翁非是愛吟詩

第十三

尤翁非是愛吟詩詩是都無平仄時無可不可終歸可爲知不知是卽知爲名爲利竟何爲欺暗欺明同自欺肆筆論之有四者尤翁非是愛吟詩

第十四

尤翁非是愛吟詩詩是尤翁獨語時豈必令人皆險

巖還思古道儘平夷雲山景色誰同賞風月襟懷我自知倦後羲皇長入夢尤翁非是愛吟詩

第十五

尤翁非是愛吟詩詩是尤翁午夢時蒼莽九疑朝帝舜縱橫八卦問包犧歌賡揖遜三杯酒柯爛交爭一局碁蝴蝶與周俄兩失尤翁非是愛吟詩

第十六

尤翁非是愛吟詩詩是尤翁戲語時賤迹常爲新貴貨赤身翻作大悲資諸賢共喜施恩普衆議還疑受報遲君子有施無責報尤翁非是愛吟詩

第十七

尤翁非是愛吟詩詩是尤翁獨立時自笑孤囚頭雪白誰知逸興烏雲飛亭前昔與龜山別海外今聞鐵瓮歸欣戚都來輸一醉尤翁非是愛吟詩

第十八

尤翁非是愛吟詩詩是尤翁知戒時顧諟靈臺天所命誰知暗室鬼難欺工夫倘或毫芒忽物欲能令海嶽移老去惟思追補去尤翁非是愛吟詩

第十九

尤翁非是愛吟詩詩是嫖顰好辯時雷擊叢林驚魍魎星穿積水走蛟螭空言固可治夫亂世運無如平則陂力不足時惟死已尤翁非是愛吟詩

第二十

尤翁非是愛吟詩詩是尤翁俛仰時學稼聖人小樊遲坐馳純公譏子微俗士世路長依依隱者山木蔭萋萋依乎中庸聖同歸尤翁非是愛吟詩

第二十一

尤翁非是愛吟詩詩是尤翁喜讀時祇得玩心欣有會何曾閱理到無疑暄涼朝暮渾忘倦榮辱窮通揔不知却笑還珠空買櫝尤翁非是愛吟詩

第二十二

尤翁非是愛吟詩詩是尤翁不懼時惟富惟榮有命者此心此氣我持之生涯不出茅君洞魂夢難過漢

水湄無妄生災關運氣尤翁非是愛吟詩

第二十三

尤翁非是愛吟詩詩是尤翁遠覽時今者祥殃非帝則古之善惡是吾師周家壇上陳圭璧虞氏宮中有忸怩人品異同何若是尤翁非是愛吟詩

第二十四

尤翁非是愛吟詩詩是明開兩眼時郝豬宮何必士郝國豬宮誅殺父子者事朱子論關異端曰如春龍秋之法亂臣賊子人人得以誅之不必士師也龍門瓦屋儘如兒叔孫枉市何誣也閩鯨過關欲捉之可惜聖徒今不見尤翁非是愛吟詩朱子論王通續經曰正如小兒尾屋又譏陸氏內禪外儒曰如閩中販私鹽者以鯨魚遮蓋方過關津不被人捉了耳○郝國事見檀弓

第二十五

尤翁非是愛吟詩詩是尤翁自語時天聽無心還易忒人生有命更難移逼來患難那堪急過去光陰不可追夭壽何曾毫分貳尤翁非是愛吟詩

第二十六

尤翁非是愛吟詩詩是冥思邃古時混沌初開為子會鴻荒漸化際伊祈因其揖讓成魏煥到得干戈乍變移秦漢以來無可說尤翁非是愛吟詩

第二十七

尤翁非是愛吟詩看破宵人情狀時夜黑鬼舒梁上嘯天陰燐騁野間輝爛噓却似暈妨日技癢還如囊

處雖安得大明臨有赫尤翁非是愛吟詩

第二十八

尤翁非是愛吟詩詩是思矜細行時策馬反云非敢後獲禽良媿失其馳卑微自合成埋沒孔孟而來大發揮要識聖賢能察邇尤翁非是愛吟詩

第二十九

尤翁非是愛吟詩詩是仰觀俯察時蓋底一身如運轂溫涼禱序若更棋山河井井華夷莫黎庶生生草木萋這裏陰陽無極妙尤翁非是愛吟詩

第三十

尤翁非是愛吟詩詩是閑看傳記時一氣分時誰有

見三皇以上我無知草衣木食何人說牛首蛇身史氏辭其屬其真姑舍是尤翁非是愛吟詩

第三十一

尤翁非是愛吟詩詩是包犧親見時一兩四生聊序了百千萬數見些兒畫前之妙因而貢天下諸疑儘可稽多謝聖神開物意尤翁非是愛吟詩自八而漸倍之至於六畫則為六十四自六十四而又倍之至七畫則為百二十八自百二十八而漸倍之至於十畫則為千二十四自千二十四而漸倍之至二十四畫則為萬二千七百七十七萬二千六百七十四矣

第三十二

尤翁非是愛吟詩詩是神農夢見時草木並輸醫蜡制黔黎同識斲揉機雖云至道皆常道蓋自無為漸

有爲可笑許行要假託尤翁非是愛吟詩

第三十三

尤翁非是愛吟詩詩是陳辭黃帝時銅鐵云何能作
亂干戈只是禁爲非巡遊萬國光逾顯委任千鈞政
莫疵獨恨東封留弊事尤翁非是愛吟詩

第三十四

尤翁非是愛吟詩詩是幽尋顓頊時淵靜依神以制
義疏通無事可稽疑象天任地如斯已交趾流沙無
不之才子八人尤盛矣尤翁非是愛吟詩

第三十五

尤翁非是愛吟詩詩是窮探帝嚳時生自神靈各自

識仁而威神默而知於民能利於神敬惟子之勳惟
父爲允執其中來有自尤翁非是愛吟詩

第三十六

尤翁非是愛吟詩詩是欽惟唐帝時縱是欽明文思
德無如傲虐慢遊兒看他揖讓於仁聖知亦禪傳乃
耄期蕩蕩之名猶強爾尤翁非是愛吟詩

第三十七

尤翁非是愛吟詩詩是欽惟舜氏時漫漫禮儀皆有
意熙熙良物盡無機正南面處帝何事韶九成來鳳
已知床上南風琴德盛尤翁非是愛吟詩

第三十八

尤翁非是愛吟詩無間之言是仲尼疏鑿平成功莫
競驅兼筆削事相追貢賦之篇精一法如何不與易
繫辭德衰定是齊東說尤翁非是愛吟詩

第三十九

尤翁非是愛吟詩詩爲湯慙解釋時南北不驚歸市
者布昭仍報餉田兒論功天下民生遂語德日躋聖
敬持虺誥盤銘玄鳥頌尤翁非是愛吟詩

第四十

尤翁非是愛吟詩詩是文王對越時萬國咸思堯日
就六州偏喜舜風吹爭看靈囿麋鹿伏快覩岐山鸞
鷲飛至德猶慙吳泰伯尤翁非是愛吟詩

第四十一

尤翁非是愛吟詩詩是縱觀大武時善養周家歸大
老崇姦商邑盡窮奇白魚河渡天休命黃鉞牧官我
有辭未盡善焉然盡美尤翁非是愛吟詩

第四十二

尤翁非是愛吟詩詩是桓文功罪時會鄧會防名是
甚弑君弑父故誰知隱哀十二中間事禮義萬千年
世垂信矣賢於堯舜遠尤翁非是愛吟詩

第四十三

尤翁非是愛吟詩詩是顰眉七國時萬骨枯來軍將
貴千金置後智謀歸歡謳響滅寡孤哭和氣烟消霹

震飛仁義一言惟孟某尤翁非是愛吟詩

第四十四

尤翁非是愛吟詩詩是秦關吊古時寶鼎東來姬籙絕黃金西入華陽啼九千來日六王畢十五惟年一石歸萬世胡爲惟二世尤翁非是愛吟詩

第四十五

尤翁非是愛吟詩詩是揄揚漢道時帝叙三綱曾體立時宜萬日莫毛吹百年善政無殘殺千里中原美食衣過魯無前一祀事尤翁非是愛吟詩

第四十六

尤翁非是愛吟詩詩是思量後漢時高帝人民方願

戴先王道德官全衰詩書典籍隨征馬玉帛笙簧間鐵衣體用之間猶雜霸尤翁非是愛吟詩

第四十七

尤翁非是愛吟詩詩是吁嗟蜀漢時宇宙皆輸狐取媚英雄應嘆兔無脾敢云勝國興王業却似鷓鴣寄一枝然且春秋歸正朔尤翁非是愛吟詩

第四十八

尤翁非是愛吟詩詩是深誅老賊時小數逢時稱武略姦心如鬼號沉幾纍纍疑冢情難諱眷眷分香欺更誰多謝紫陽聲罪筆尤翁非是愛吟詩

第四十九

尤翁非是愛吟詩詩是冷看典午時大物潛移非帝
命斯良能敬失王司八王內難同然豆千里中州滯
沮題江左偏安亦幸耳尤翁非是愛吟詩

第五十

尤翁非是愛吟詩南北之朝可厭時裔種生心爭禹
甸中原無主擬伊尼瓜蛆爛熳誰能去江水平分數
莫違欠一夷吾真可歎尤翁非是愛吟詩

第五十一

尤翁非是愛吟詩彼哉彼哉隋氏時內間惟聽誤我
妻亂德何須有九黎當初騎虎肇鴻基兒子效尤爲
禍梯出乎反乎理可知尤翁非是愛吟詩

第五十二

尤翁非是愛吟詩詩是醜差仙李時論以三王誰不
唾評之五伯事猶私假仁假義雖云久爲鐵爲金何
可違繼體昏風感興咏尤翁非是愛吟詩

第五十三

尤翁非是愛吟詩五季紛爭匪我思一片中原輸傳
舍十餘皇帝似蠅飛亂如不極治何至奎已先徵天
實爲曹檜而幽知聖意尤翁非是愛吟詩

第五十四

尤翁非是愛吟詩眼爲明開宋氏時文治欲興星度
應民生厭亂帝庭知秦餘道得諸儒顯堯後人逢五

事遲惜也天津鵲一叫尤翁非是愛吟詩

第五十五

尤翁非是愛吟詩詩是永嘆南渡時解道神靈泥馬
事無人經理屬猪基風霜沙漠何心忘玉帛珍函俯
首爲悽切嶽王墳一曲尤翁非是愛吟詩

第五十六

尤翁非是愛吟詩感慨胡元得志時象魏繽紛羣犬
豕龍章燦爛付阿誰三王禮樂頭爭掉萬國衣冠手
以揮天乃胚胎生大聖尤翁非是愛吟詩

第五十七

尤翁非是愛吟詩詩是欣逢 聖際時武烈文謨何

足說 神功聖德有誰知陰陽平運道如是造化無
能天爲悲痛哭甲申三月日尤翁非是愛吟詩

第五十八

尤翁非是愛吟詩詩是流觀宇宙時於萬於千年代
去其治其亂聖狂爲人間逝水無窮過泥上賓鴻底
處飛適此腥臊天下日尤翁非是愛吟詩

第五十九

尤翁非是愛吟詩自覺多言害事時道學淵源須着
眼古今成敗莫揚眉誰知精一相傳授恰似陰陽密
撈移從此門庭真洞關尤翁非是愛吟詩

第六十

尤翁非是愛吟詩詩是周公上下時運用天機爛熟
事周流卦德徃來知三王禮樂皆昭布六位方圓互
變移肅祗將歡餘事已尤翁非是愛吟詩

第六十一

尤翁非是愛吟詩鑽仰沒身宣聖時比德皇王誰與
盛侔功天地未應衰不阿所好三人語罔極之恩萬
世垂道統從茲移在下尤翁非是愛吟詩

第六十二

尤翁非是愛吟詩仰止顏生好學時自有篔簹而博
約某方南北又東西虛其實且無其有德愈高時意
愈低生歎賢哉死慟矣尤翁非是愛吟詩

第六十三

尤翁非是愛吟詩詩是參乎仰止時道自聖師而已
得孝由虞舜以來稀承家不逐風雪詠閉戶誰歌鳳
德衰劉氏編摩朱子跋尤翁非是愛吟詩

第六十四

尤翁非是愛吟詩玩索中庸未得時性命中和終位
育堯舜文武洎周尼推原遂至無聲臭包括那能有
際期千聖淵源如指掌尤翁非是愛吟詩

第六十五

尤翁非是愛吟詩詩是推尊孟氏時浩氣養時克道
義泰山高處俯虹霓捍邊寧社爲方召捨律拋規作

曠離朱子曰孟子闢楊墨是捍邊境之功明四端是安社稷之功程子曰孟子才高學之無可依據須是學廣子有準的三聖繼來誰復繼尤翁非是愛吟詩

第六十六

尤翁非是愛吟詩攘斥荀揚反道時幸在季時容放恣如逢孟子即離披報仇行劫基秦火投閣全身病夏畦議不精詳真失出尤翁非是愛吟詩

第六十七

尤翁非是愛吟詩詩是王韓長短時韞櫝不必輕銜玉踰墻寧可遂無妻二公有道誠難匹三月無君過自悲聖緒雖然猶有賴尤翁非是愛吟詩

第六十八

尤翁非是愛吟詩再見乾坤開闢時天降濂翁全付託帝監衰世幾傷悲通書太極關千聖大用宏綱會一齊霽月光風真氣象尤翁非是愛吟詩

第六十九

尤翁非是愛吟詩頌歎程純明道時顏氏風雲傳者是濂翁光霽在于誰淵源姚姒周兼孔叙秩君親子若妻珍重潞公題墓字尤翁非是愛吟詩

第七十

尤翁非是愛吟詩詩是伊川肅敬時欲識先生身上事須看伯子墓前題堪嗟紹聖仇君子多謝涪州贊皞義規矩準繩寧禹下尤翁非是愛吟詩

第七十一

尤翁非是愛吟詩寤寐堯夫安樂時帝伯皇王些子
事風花雪月化工為如無太極先天學誰識文王易
繫辭最是伏羲親見後尤翁非是愛吟詩

第七十二

尤翁非是愛吟詩夷考中誠明子時一大清虛誠妙
耳孫吳佛老盡奴之訂頑既是清人事明道嘗非龍
女衣孟與伊夷論未定尤翁非是愛吟詩

第七十三

尤翁非是愛吟詩詩是追宗涑水時時際女堯舜敬
信仁淪百萬億肝脾一年事業誠無比千聖精微不

許知而有滄洲從祀事尤翁非是愛吟詩

第七十四

尤翁非是愛吟詩江漢秋陽晦父時帝遣先生修孔
業身專元氣運天機成如衆樂摠條貫職作諸儒都
指揮歎息光華輸偽逆尤翁非是愛吟詩

第七十五

尤翁非是愛吟詩詩是宣公取友時文定淵源雖正
適晦翁磨切儘精微斯文丕責天須降恢復良籌手
自持多少酌辭銘贊序尤翁非是愛吟詩

第七十六

尤翁非是愛吟詩詩是成公得友時麗澤滋資功益

進寒泉編錄理無遺中原文獻兼川朔大事工夫可
罪知退老堂中真像贊尤翁非是愛吟詩

第七十七

尤翁非是愛吟詩緬想河南門下時座上坐時風習
習門前旋處雪垂垂行常言近知之易官廣墻高入
者稀可惜多從禪學去尤翁非是愛吟詩

第七十八

尤翁非是愛吟詩遠溯朱門諸子時多術共承洙泗
教一言誰贊夏游辭皆存席也又堦也公誦濯之兼
曝之繳繞支離源遠後尤翁非是愛吟詩

第七十九

尤翁非是愛吟詩父母吾邦小若碁宣聖欲居何陋
有殷師叙範正無爲華豐夷嗇言殊妄東舜西文道
可窺魯國不妨周禮在尤翁非是愛吟詩

第八十

尤翁非是愛吟詩歎息三韓三國時一似邾滕褊小
已還同齊楚戰攻之扶持土地猶云幸敗走隋唐却
可疑戰骨如山千百載尤翁非是愛吟詩

第八十一

尤翁非是愛吟詩終始高麗五百時三國混來爭戰
已萬民休處鑿耕爲儒家風教乍還廢釋氏輪迴信
不疑一代宗盟輸老圃尤翁非是愛吟詩

第八十二

尤翁非是愛吟詩歌誦頌王家萬世時俗化變夷

周禮樂 聖神傳法舜危微 仁恩德澤昆虫被論

孟詩書僕隸知只恨今無齊管仲尤翁非是愛吟詩

第八十三

尤翁非是愛吟詩尚古之書誦讀時已有羲軒事不

取只從堯舜典胡為鳳凰來處明開眼淵藪萃時亟

皺眉秦穆誓言收錄意尤翁非是愛吟詩

第八十四

尤翁非是愛吟詩六義篇章諷詠時有魯駟言皆蔽

蓋經宣聖手益光輝文王清廟微言闡蕩帝旻天大

道虧整釐紛挐朱氏傳尤翁非是愛吟詩

第八十五

尤翁非是愛吟詩詩是尤翁讀易時至理有微還有

顯聖人何慮復何思皇羲不必因龍畫程氏何須見

兔知周孔邵兼朱子說尤翁非是愛吟詩

第八十六

尤翁非是愛吟詩筆削之書不識時爭把意來經上

說奈如奴自塚中歸奏篇胡作中興義不註朱為後

學規鳳至麟來一般理尤翁非是愛吟詩

第八十七

尤翁非是愛吟詩詩是尤翁讀禮時一降一升皆至

理三千三百儘如絲極知過死深提偃莫說無違獨
語遲最是閩翁通解意尤翁非是愛吟詩

第八十八

尤翁非是愛吟詩詩是深嗟樂缺時上世雲謁元莫
理周家咸武亦誰知嵇康廣散猶微逼渥水神駒定
是欺幸有西山書兩卷尤翁非是愛吟詩

第八十九

尤翁非是愛吟詩大學之篇熟讀時程氏表章深意
見閩翁註解極思惟三賢一聖相傳受百謬千差敢
是非和靖半年方看得尤翁非是愛吟詩

第九十

尤翁非是愛吟詩詩是沉潛論語時大聖人言都撰
序諸門人事可聞知全書見得操存理鄉黨看他盡
出時到老不知爲可用尤翁非是愛吟詩

第九十一

尤翁非是愛吟詩亞聖之書快讀時克闡中庸天命
性要除宣聖汗衫衣倘微辭關同驅獸抵此詖淫似
沸糜看到晦翁江漢缺尤翁非是愛吟詩

第九十二

尤翁非是愛吟詩敬對中庸玩繹時堯舜禹來傳仔
細羲炎軒下統依倫德三道五一誠蔽恠百差千七
聖迷慮遠憂深垂萬世尤翁非是愛吟詩

第九十三

尤翁非是愛吟詩詩是尤翁詠史時賢智用來治孰
禦紀綱壞後國難醫利誰利若爲仁利危莫危於肆
志危從古訖今同一律尤翁非是愛吟詩

第九十四

尤翁非是愛吟詩諸子之書不管時呂覽雲玄何足
究荀高王儻不須爲西京空尚遷如作唐世專宗李
杜詞我不鄙夷誠不暇尤翁非是愛吟詩

第九十五

尤翁非是愛吟詩周子之書研極時性理晦來誰識
者圖書成後大明之悖凶修吉堪公誦誠立明通豈

我欺簡潔辭中風月在尤翁非是愛吟詩

第九十六

尤翁非是愛吟詩熟習河南二集時久矣經書多所
鑿質諸神鬼可無疑純公文字皆通透叔子言辭有
險夷最是功存一敬字尤翁非是愛吟詩

第九十七

尤翁非是愛吟詩安樂詩篇擊節時默觀盈虛評造
化賸將賢否警安危風花水竹清閑友堯舜尼輿道
德師天地猶爲一小物尤翁非是愛吟詩

第九十八

尤翁非是愛吟詩探索正蒙理窟時文與古經爲羽

翼銘爲大訓有東西物皆至理題蕉葉禮以防民懼
蟻堤精切於程斯實語尤翁非是愛吟詩

第九十九

尤翁非是愛吟詩涼水詩書把玩時慰諭疲氓如病
子變通新法若更棋封章理勝宣公奏通鑑功爭造
化兒偉麗王蘇何足用尤翁非是愛吟詩

第一百

尤翁非是愛吟詩晦父詩書講讀時包括似酒萬象
海觥排如距百川堤正辭都自一心妙盛業還應千
聖知由孔子來殊未有尤翁非是愛吟詩

第一百一

尤翁非是愛吟詩老去兼看小學時縱服溫柔恭敬
事須分善利聖愚機由茲可欲希從欲養此良知至
易知惟聖之謨非我老尤翁非是愛吟詩

第一百二

尤翁非是愛吟詩大學專依章句時析句分章真畫
一推心明理了無疑初如執策參南武終似摳衣侍
聖尼允矣一生精力在尤翁非是愛吟詩

第一百三

尤翁非是愛吟詩大學兼看或問時看得儒先多未
契設爲問答訂其非旁通曲暢真天朗暗去明來睹
日暉註脚之餘又註脚尤翁非是愛吟詩

第一百四

尤翁非是愛吟詩論語專治集註時衆理開陳皆聖
意諸家去取若虞機知之至處言之至天可欺時此
可欺 經席誰陳誣悖說尤翁非是愛吟詩

第一百五

尤翁非是愛吟詩論語兼看或問時精義專尊純正
說門人猶許謝楊知密微論辨毫如析取捨權衡鬼
莫窺集註異同皆有義尤翁非是愛吟詩

第一百六

尤翁非是愛吟詩詳究七篇註釋時本語自無容解
處先生何復下功爲後先立說雖如此瞽瞍非臣尚

不知經訓愈明真不厭尤翁非是愛吟詩

第一百七

尤翁非是愛吟詩兼習七篇或問時奧處豈容辭不
費脫然如上屋之危異同雖有程張說取捨渾無彼
此私章句與之爲羽翼尤翁非是愛吟詩

第一百八

尤翁非是愛吟詩誦習中庸章句時句句會通千聖
妙人人如得十朋龜精微心法都相契多少跛盲自
可醫白首紛如當日歎尤翁非是愛吟詩

第一百九

尤翁非是愛吟詩反復中庸或問時程氏焚之斯未

信藍田解過却多疑分毫析縷評諸子探贖鈎深溯
聖尼更覺良工心獨苦尤翁非是愛吟詩

第一百十

尤翁非是愛吟詩大易專看本義時硬作玄微還淺
澁直爲占筮儘平夷諸家穿鑿都歸掃程傳稱停却
費思親見伏羲真可許尤翁非是愛吟詩

第一百十一

尤翁非是愛吟詩詩傳沉潛不斲時舊有毛韓多傳
會時尊鄭衛轉離奇雅南得理寧憂固商賜雖遙可
與歸更向明窻哦水井尤翁非是愛吟詩

第一百十二

尤翁非是愛吟詩典禮專依通解時弄法舞文儉者
利師心悖義道之衰以經乘傳綱維整隨事分門吏
胥知黃氏續編功亦大尤翁非是愛吟詩

第一百十三

尤翁非是愛吟詩敬守寒泉四禮時修己齊家要不
外移風化俗效誰知情文既適古今變和采尤宜甘
白姿未得再修真不幸尤翁非是愛吟詩

第一百十四

尤翁非是愛吟詩詩是常看綱目時據了溫胡輸有
罪質諸神鬼更無疑興亡善惡褒誅筆王伯華夷白
黑棋可惜書成麟不至尤翁非是愛吟詩

第一百十五

尤翁非是愛吟詩錄有淵源信及時絕學堪嗟無有
繼斯文誰識在於茲抽關啓鍵開蒙吝明道立言接
聖尼源遠末分無可奈尤翁非是愛吟詩

第一百十六

尤翁非是愛吟詩看閱各臣言行時啓創才能華夏
賴治平功業羽毛知雖然體用兼全鮮或有初終多
少疑間氣韓公程氏語尤翁非是愛吟詩

第一百十七

尤翁非是愛吟詩看到楚辭集註時人與日星光可
並騷將風雅義差齊王洪承誤難攻守辭理歸真得

解圍千載幸逢知我者尤翁非是愛吟詩

第一百十八

尤翁非是愛吟詩何事叅同考異為易理包函如大
海魏書橫出作洿池傍尋文字猶堪愛置在門墻不
必麾自號鄒訥真善戲尤翁非是愛吟詩

第一百十九

尤翁非是愛吟詩詳究昌黎考異時夷教溺人如涿
水韓公變俗似梁妻從前文字多魚魯自是稱停有
範圍小物克勤賢聖事尤翁非是愛吟詩

第一百二十

尤翁非是愛吟詩深味延平問答時道脉流傳雖有

自天生上智更誰移而趨文席勤咨叩况赴經筵聽
發揮收拾編摩深意在尤翁非是愛吟詩

第一百二十一

尤翁非是愛吟詩早夜文公全集時忻會意時還會
理欲開編處已開眉吾生縱是朝昏事此樂何能困
危移大樹虬蟬天下陸學吾東尹鑄時一笑尤翁非是愛吟詩

第一百二十二

尤翁非是愛吟詩探索朱門語類時細密都如鄉黨
體聲容悅接考亭時一言一辭一書盡萬理萬事萬
世知記錄易差猶可擇尤翁非是愛吟詩

第一百二十三

尤翁非是愛吟詩惟紫陽書篤好時一此猶憂無暇
給他餘敢謂彼何誰熏惟自笑卷空破買櫝安能珠
不歸後世子雲無有爾尤翁非是愛吟詩

第一百二十四

尤翁非是愛吟詩詩是尤翁漫興時殷末三仁惟有
自恐靖茨前七聖未嘗迷丈夫在昔張儀大男子於唐
王適奇已往人事渾不管尤翁非是愛吟詩

第一百二十五

尤翁非是愛吟詩詩是閑看草木時松栢幸蒙玄聖
賞芝蘭空入楚臣辭春妍粹桂無心意風急脩篁受
指揮物性不同如是矣尤翁非是愛吟詩

第二百二十六

尤翁非是愛吟詩
默察昆虫多少時
孰捨陰陽能有物
均含情性莫云微
時鳴時躍天機動
或啓或坯歲候知
咸若之時皆不殞
尤翁非是愛吟詩

第二百二十七

尤翁非是愛吟詩
詩是播耬五穀時
肇厥生民歆帝武
降茲嘉種寔玄機
羲經無妄畚三歲
漢史施仁頌兩歧
瓦釜泉甘爲粥飯
尤翁非是愛吟詩

第二百二十八

尤翁非是愛吟詩
詩是流觀毛羽時
毒之亭之皆性得
飛者走者以羣追
雖無禮法威儀在
還有君臣父

子知鳳鳥騶虞周盛德
尤翁非是愛吟詩

第二百二十九

尤翁非是愛吟詩
詩是尤翁大觀時
地在天中爲一物
天於道裏却些兒
古今運世忙如鳥
表裏山河細似眉
許大心胸男子在
尤翁非是愛吟詩

第二百三十

尤翁非是愛吟詩
詩是尤翁語大時
太極之名終始強
聖人於此不能知
環區至大猶難載
泰嶽雖高便覺低
十二會來曾一瞬
尤翁非是愛吟詩

第二百三十一

尤翁非是愛吟詩
詩是尤翁語小時
言過高時心已

放行矜細後大無隳須知動息天皆體莫謂纖微鬼
不非三百三千還峻極尤翁非是愛吟詩

第三百三十二

尤翁非是愛吟詩詩是尤翁謹獨時不必衆中求寡
過須於急處摘微疵人功密切私旋盡天理流行物
莫遺逝者如斯還要此尤翁非是愛吟詩

第三百三十三

尤翁非是愛吟詩詩是尤翁戒懼時幾善惡時雖用
力到涵養處更何爲虛明莫遣波瀾起靜密何曾神
鬼知天理常存存久妙尤翁非是愛吟詩

第三百三十四

尤翁非是愛吟詩到一原頭不語時箇裏鳶魚雖活
潏初無聲臭况光輝固知極致終難狀要識須臾不
可離多一惟司還是妄尤翁非是愛吟詩

次晦孫韻

九月高風木葉飛僮奚籬底泣牛衣蒼穹有意扶今
世白首無由悟昨非不恨平生災咎積還嗟末路聖
賢稀茫茫海外重陽近誰把清尊對晚暉

次晦孫途中見寄韻

此身常願似丘山不厭重溟絕往還惟汝弟兄長作
伴看他書冊不全閑心神尚冀魚千里精力難窺豹
一斑皎厲便儼離道遠今歸須效石堅頑

挽尹冲舉 辛酉

侃侃坡原有古風朝端回首少如公交親豈獨朱陳
好慕用還因臭味同出處曾無人毀譽榮枯從見世
汗隆平生執友凋零盡慟哭城東一病翁

安素堂次趙嶷望韻

孤窮空自誦朱程何意中年猥識荆刺棹間關前按
使蒲團冷落舊書生不言世事青山對苦道家私白
雪行去路仍尋安素子新詩揭壁儘分明

閔生鎮厚妻李氏挽

靜觀女謂屯村舅姑是春翁耳耳賢甫喜慶祥連
紫禁那知衿悅遽黃泉孀慈杖血終何益哭位無人

更可憐幸有弟兄情不盡時修香火薦新阡

守冲洞聞喜宴詩

崇禎重光作噩孟冬鄭君之河潤九長男相
吉登上舍其次男相一先占丁巳榜至是留
待 永昭殿禫後其臘月廿二日設聞喜宴
二子並着青衿文彩相映時潤九與其內子
年皆六十矣又相吉之外翁護軍吳公八十
餘而顏貌丹渥亦以鳩杖來臨觀者嘖嘖歎
歎相吉兄弟來謁余盍爲一言以識之余與
其祖考副正公舊相習而潤九亦從余久遂
成近體一首以畀焉是月日巴谷病夫書

烏川一派沃川東，恤置憐飢副正公。留得食牛佳抱，
二連登司馬喜筵。同雙親鶴髮，皆周甲兩井龜蓮。是
外翁早識逢將元不爽，自茲餘慶更無窮。

次山陰知縣任大仲寄來韻

此道人人不肯行，何年能見紫泉清。山河表裏腥膻，
積天地中間恠鬼盈。昔有孟軻知蔽陷，自從嘉靖誦
陽明多君欲習文。公學箇裏須知集大成。皇明自嘉
靖以來身

尚陽明至於
從祀文廟

其二

莫說頭流在眼中，去年何故負秋風。非緣旗隼真難
謝，自是根塵未易空。南郡歡謠歌召父，匡廬清賞愧

閩翁聞今老幼方填壑，爭奈蒸霞萬樹紅。

余素不解
聲病之法

今因來詩為一轉語蓋始若嘲戲而還為解嘲語以
博一笑朱先生守南康遊三峽時有詩云駕言北郭
門謝此為隼建旗隼蓋太守所建也佛氏以耳目口
鼻身意蘊六根聲色香味觸法為六塵而皆謂之幻
來詩以吏役塵心
為對此豈二事耶

上辭本後口占 壬戌

承旨纔歸又復來，誤恩如許定成災。二三百里路
難矣，七十六齡人往哉。亨運幸逢千一會，賤臣元少
分毫才。猥陳死病其亡狀，只懼天高聽未回。

別兒孫後吟寄

兒孫相與話神心，別後那堪苦思侵。學問未追朱晦
父，行裝肯卜火珠林。今晨喜聽黃梅雨，已老難勝白

孫兒

髮簪點否朱衣兩不管操存須若鬼神臨

和趙承宣嶷望韻奉呈朴進士二難清案

露梁諸墓並無孫謹甫先生外裔蕃鶴里獨膺君子
澤荆花雙受 聖朝恩多慚老筆題華扁別有佳篇
侈慶尊更向聯芳二妙道好乘餘派泝真源

金化縣次沈承宣

倣韻癸亥

嶺東深處見天紳此去那堪 鳳詔頻同氣逢迎方

噎嘔神京消息正紛綸尼山閉戶輕千駟玄石纓冠
撫五辰易地禹顏吾敢議田間願作祝堯良

次子三

李相國
畚字

韻示致道

終南不及此憂端孰是莘伊孰是顏日月常明弘濟

洞淵源誰溯武夷山愚庸最出冠紳下禮待慙非季
孟間况也昌辰多謗議令人長憶野寬閑

李君晦

遇輝

溪堂

江外山川面勢成常思峒隱李先生枝宗占作安身
所溪水來供徹底清物理人情今昔異野雲林靄暮
朝呈遺風贖馥今猶在莫向名途勢利爭

疇孫以史薦赴朝老懷不勝憂慮也昔唐帝以
裴茂紹為翰林其父虬乞免願使卒學今余惶
恐不敢蓋以 聖上以不即應薦特命推勘也
余之忠 君父教子孫不及於古人遠矣於其

行詩以勉之

孫兒

送爾趨朝多念慮方今論議正紛紛進難退易閩翁
道利逐名爭茂叔云無事莫耽壚上酒暇時須檢閣
中芸從知仕學能相長休把閑言用志分

題趙鳴世兄弟家藏文字後

甲子

溫泉舊業自京師趙氏仁門世共推時老高情多病
詠縣監清政寄哀碑傳家贍喜兒郎俊食報還看福
履綏薄俗祇今難着眼爲君嘉歎更題詩

完南遷葬挽

乙丑

久生於世竟如何獨立危途感慨多試筭吾儕誰復
在默觀時事欲無叱長懷舊德空餘淚忍向新阡更
挽歌衰疾祇今窮谷臥可憐孤負見前和

清城金公

錫曾挽

淵源已卯太宗師公得堯夫大奕棊不向機宜輕殺
活每於竒正亟推移儘知自有好田地何處渾無平
路歧只爲從容收局計中間一着事多巖

朱子大全有近體一首其序有云數日前與判
院丈有宋村之約雪中懷奉呈判院通判二
丈吾宗先譜始於判院事府君自柳妣以後子
孫仍居白達而自官更號宋村宋村有名于國
中久矣今判院宋村二名適與相符真晦翁所
謂冥會者也其事甚竒故敢步原韻以表章焉
惟願同宗各賦一篇以爲吾宗故事幸甚

靈源寶籙耀門闕稚昧渾開夢覺關好遣雲仍繩祖
武從知培塿自崑山村名偶應徽閩舊官號仍從紹
慶間冥會只今真有意况疑陪賞落星灣

謹按吾宗之譜翔於圭菴先生而始自高麗判院
事府君諱大原宋村之名亦舊矣溯而計之判院
府君去朱子庚申蓋不甚遠矣朱子嘗以高麗所
進先秦古書中孟子仁也章所增二十字爲是而
又說高麗賓貢與韋齋同年之事想見當時文獻
相與接續如此吾先官號村名之互相沿襲亦豈
朱子之道東漸之一端也耶噫朱門人美高麗風
俗之好者其亦信矣嗚呼今去徽閩萬有餘里而

隔之以腥膻韋毳安得揖讓於潭溪武夷之間以
挹其遺風餘韻而以吾家嘉名雅號擬議而證訂
也耶崇禎強圉單閼觀之下泮府君十三代孫宋
時烈書

貞明公主挽

穆陵諸穆更誰存一世爭瞻大主尊早識 王家敦
禮教慣聞都尉說閨門悲歡閱盡乘除理唱喏憐渠
內外孫福祿哀榮無復憾千秋雙劍照河源

聞谷雲居士爲臺於石室山中名以陽昭其意
深矣有感而作以求和

千秋 聖節泣呼嵩雪窖吟詩意轉雄否極還傾斯

已兆人亡難作更誰宗淫辭放處推軻氏微服譏時

仰晦翁剝復風泉詩易義陽昭臺上尚嚴冬第一作亂

極一治斯已兆人亡千載更誰宗落句一作聞道陽

昭臺岸兇莫言天地尚嚴冬○丙丁以來一國尚

今扶持者實惟我仁祖大王每於一身掌聖節

涕泣於後園密伸禮儀及老先士既而交亂義理之

也自後又復因循而設淫邪遁又從而交亂義理之

晦剥甚矣又復天地之閉塞極矣今居士既而交亂義理之

泉又以陽昭名其臺則其意遠矣其文中子答程元

之語乎程子論剝復之義乎噫斯可為一治之兆歟

夫子編擄曹於幽風之前者亦所

感者深矣居士其知此意者矣

次古韻示谷雲黃江權遂卷求和

歎息哀公十四春遑遑尼父泣庸身誰能成得放淫
事堪怕還為修隙人驪水蒼茫源派濶石潭寥落井
塗堙祗今世道荆榛久佇待千秋知罪均選賦澤葵
依井黃葛

全胃

寒食前日自蘇堤哭諱於三山到南溪翰林孫

兒闖然入門不勝其喜賦而使和丙寅

蘇堤日暖初楊柳巴谷山寒未杜鵑珥筆侍臣辭

禁掖弄雛斑服暎林泉嗟吾妄抑懷裏害使爾還無

分義旋對討書詩真樂事何如衣帶御爐烟

次疇孫韻和同甫示同行諸君要和

歎息羣賢夙夜時小盆池起小漣漪祗今巖壑啾喧
隔更有冠童步履隨人間毀譽都輸醉物外烟花摠
可詩最是聖君難永訣小孫歸謁莫教遲

次杜韻示疇孫

尤菴先生集卷四

詩

六十一

比聞尹宗以余之故並持翁慶甚急心常憐
惻去夜夢見其母容顏慘感似有爲其子相
託之意噫余之以誠慈覆豈待相託哉覺來
不勝悲咽也嗚呼余雖欲終始教育奈余是
朝暮人何哉聊吟此以示汝夫收恤孤嫠自
是古人善行况余今日之心知汝之不忍孤
也

孀兒逝去幾朝昏夢見非真淚有痕隨母鬣歸洛
社從郎十四在弓村南投蓬海要收骨東徙懷川故
接門面上只今春草綠誰憐弱息慰新魂

次杜韻示遊山諸友求和

獅子菴中開四門平臨湖海小如盆諸君定有三湘
興老我空嗟雙眼昏白首論交惟子在青箱談理幾
人存閑時且欲成書會須占平沙近水村

岳纔至空林余病不能從區區此恨真
似晦翁鴈蕩之時故復賦此以示之

時約與諸
友同遊離

夜坐聽溪吟示疇孫轉以求和於士仰同甫致
道泊子邵諸人

山中老翁欲無言禍福乘除久任天好靜還嫌泉觸
石愛閑頗似佛逃禪休論萬事紛如繡且喜雙清不
用錢自笑當年迷揣分只求明道不求全

其二

不管諸山花妬妍只宜閑傍舊書編夜簷靜透松間

月晝榻晴生竈下烟事到悔時嗟未及意纔平處且
悠然莫教從此成遺恨長記知非伯玉年

昨歸橋齋吟示翰林孫使和

夏初風日向炎蒸一縷彤雲望裏升深夜聞鳥知失
母流年如矢歎無繩丹心象魏懸何極白髮艱危禁
不能惟幸從今丘墓近追思菽水淚空凝

時當四月氣候凜慄咏此示諸孫使和

四月風如九月涼相君胡不理陰陽紛紜紫綬成蠻
觸困欲黔黎思陸梁冰雪深朝猶在壑來牟何日可
登場書生獨坐愁無盡不管林花冉冉香

聞 聖上視學日士子蹂死驚心而作

君王視學集儒生日吉辰良瑞靄呈何事明宮裡祀
訖旋令 寶座 聖心驚萬人硯撤龍蛇影九姓家
傳哭泣聲 至德還應登壽域仁天故將玉於成
宗姪孫元錫來見於華陽感古愴今作此以贈
之

吾家先懿孰如之官號村名事又奇朱岸青鳥徵二
鯉黔巖玄理曜千茲蓋從風月雙清世傳至西圭並
美時歎息吾翁兄弟姪煌煌義節屬於伊

三山途中

默數紛紜人世事無如今日一開顏詩同南岳憑欄
處思入西山啖薺間好把簡編爲活計故將爭辨作

艱難如今又向懷川路瞻望天王不可攀

示疇孫

長夏溪齋佔畢同
新秋別日月生東
名塗汝受千繩縛
心地吾無一點功
冬至曆元非甲子
北來腥氣暗蒼穹
含冤忍痛今誰在
更向寧陵泣不窮

是為曆元天運更始矣

次顏洞朴季直韻

乙丑之年始得朋
真同一顧價三增
幽光誰識蚌胎曜
清瀼空如鶴背疑
騰喜魯城猶為楚
曩時季直堪獨守已見堪
驚許子又之勝
今日異言方行
可憐邪遁方馳騖
隻手鄣瀾愧未能

次顏洞老兄韻

老去真如杜德機
病來尤覺簡書稀
海山老弟空相憶
朝苑兒孫苦未歸
八十同庚惟我爾
數三來歲更離
違文房三友慇懃
送要作新詩寄板扉

鳴白板扉

丁卯元正次古韻示疇兄弟圭兄弟諸孫

今朝八十一年始
鏡裏何憎鶴髮垂
事悟昨非非豈奈
天教老健健奚為
風歸楊柳枝生籟
雪盡池塘面欲漪
景物知時看漸好
野夫幽興更輸誰

次康節先生新春韻示康錫使和

弟兄連袂登丘墓
薦後仍斟賀正杯
黨族皆飢香火

關天心無改斗樞回文山爲說襟徵慶城主來言稅
住催老我惟知祈 聖壽劫灰飛盡又飛灰

丁卯元日

此日重逢丁卯歲當年交象豈堪陳家兄格虜甘捐
命 國步蒙塵乍去邠殺氣沈陰籠朔野羈魂寂寞
寄荒榛如今六甲終而始白首殘生痛泣新

光城金公 萬基挽

吁嗟世道益沉淪何許今年失此人大厦欹傾胡不
熬斯文寂寞更誰陳狸呼鱔舞重林夜水咽雲愁瑞
石春俯仰師門無限慟獨將遺稿泣霑巾

寄詩別同甫樂甫

巴溪共讀古人書閑氣無時是遂初

康節詩云自從

氣宵中一點無環
中謂先天圖也

我似禪房眠粥飯君如清水出芙蓉

藻詩聯酬唱追南嶽語到詖淫揖子輿惆悵今朝書
告別無端老淚濕衣裾

無題 己巳

衝海此來知幾日逐臣羈思莽何窮雨潭山腹雲常
黑霧暗城頭日不紅聞說驪尼真道學却看閩洛是
倥侗可憐沃島魂長逝誰向蒼梧取正中

尤菴先生文集卷四

